

ՀԱՂՆՈՐԳՈՒՄՆԵՐ

Վ. Նախորյանի

ԴԱՎԻԹ ՔՈՐԱՅՐԵՑՈՒ ԶԻՇԱՏԱԿԱՐԱՆԸ

Այն, ինչ հրատարակում ենք սույն հոդվածով, 12-րդ դարի ոչ-անհայտ անձնավորության՝ Դավիթ Քորայրեցու հիշատակարանն է, որը գտնվում է Հայկական ՍՍՌ Մինիստրների Սովետին կից Ձեռագրատան (Մատենադարան) № 5602 ժողովածուի 268բ—272բ էջերում<sup>1</sup>: Հիշատակարանում որպես զրիչ հիշվում է Դավիթը, ամենայն հավանականությամբ Քորայրեցին: Դավիթ Քորայրեցու անձնավորության մասին մեզ հասած մատենագրական տեղեկությունները միատեղ են և կցկտուր: Դավիթը Քորայրեցի է կոչվել ոչ թե Ձորագետի մոտ գտնվող Այգեհատ գյուղին կից Քորայր (վրաց. Քորեր) վանքում ճգնելու պատճառով, ինչպես սխալմամբ կարծում են ոմանք, այլ ծննդավայրի պատճառով, որ հիշտ ենթադրել է պրոֆ. Լ. Մելիքսեթ-Բեկը<sup>2</sup>: Այս ենթադրության իրավացիությունը հավաստում է 1281 թվականին ընդօրինակված մի ձեռագրի հիշատակարանը, ուր կարդում ենք. «Գրեցաւ, որ է հանգիստ նորա ի գերահոշակ սուրբ ուխտն Հաղրատ և մականունն Քորե(ր)ցի կոչեն, վասն ծնողաց անտի լինելոյ և նոյն ինքն անտի ծննդեամբ»<sup>3</sup>:

Ենթադրում են, որ Դ. Քորայրեցու ուսուցիչներն եղել են Պետրոս և Վարդան Հաղրատեցիները: Պետրոս Հաղրատեցու մասին շեն կասկածում, սակայն հավաստի չէ պրոֆեսոր Լ. Մելիքսեթ-Բեկի երկմտությունը, թե արդյոք Դ. Քորայրեցին Վարդան Հաղրատեցու մոտ աշակերտել է: Այս խնդրի վրա լույս է սփռում առաջարկվող հիշատակարանի ուշագրավ հետևյալ վկայությունը, ուր Վարդան Հաղրատեցու մասին ասված է. «...» վերջ է հանգիստալ իմ միւսոյ իմաստացելոյ ի նոյն կրթութիւն... վերստին տեղեկացեա իմ առ ի հաստատութիւն և ի լրումն առաջնոցն կրթութեանց, վստահ եղեալ հաւանութեամբ նորին...»:

Պրոֆ. Լ. Մելիքսեթ-Բեկը կարծում է, թե Դ. Քորայրեցին մահացել է Լոռվա ժողովից առաջ, մինչև 1205 թ., թեև այդ կարծիքը հակասում է Կ. Գանձակեցու վկայությանը: Վերջինս թվելով Լոռվա ժողովի մասնակիցներին՝ հիշում է նաև «Դավիթ Քորայրեցին ի Հաղրատայ»<sup>4</sup>: Նշանակում է Դավիթ Քորայրեցին մահացել է 1205 թ. Լոռվա ժողովից հետո (այս ժողովը ոմանք դնում են 1208 թ. ներքո):

<sup>1</sup> Ստորև բերում ենք Մատենադարանի № 5602 ձեռագրի համառոտ ընդլրացրաֆիան. ձեռագիրը Դրիդոր Աստվածարանի ճառերի մեկնությունն է, բաղկացած 272 թերթից, մեծությունը՝ 17×13. նյութը թուղթ, վիճակը վատ, սկզբից և վերջից թերի, կան ցեցադեպ էջեր, միասյուն, գիրը՝ բուրգգիր, գրիչը՝ Դավիթ, ժամանակը 1178 թ., վայրը՝ անհայտ: 1922, էջ 44:

<sup>2</sup> Պրոֆ. դոկ. Լ. Մելիքսեթ-Բեկ, Վարդապետք հայոց հյուսիսային կողմանց, Թբիլիսի, 1928, էջ 193 (վրացերեն):

<sup>3</sup> Մ. Տեր-Մովսիսյանի ձեռագրերի ցուցակ, Հայկ. ՍՍՌ ԴԱ Պատմության ինստիտուտի արխիվ, գործ. № 4, էջ 294:

<sup>4</sup> «Երանելոյն Յովհաննու Ոսկերեբանի մեկնութիւն Եսայեայ մարգարէի», Վենետիկ, 1880, էջ ԺԵ:

<sup>5</sup> «Վարդապետք հայոց հյուսիսային կողմանց», էջ 191:  
<sup>6</sup> Նույն տեղում, էջ 193:  
<sup>7</sup> Կ. Գանձակեցի, Պատմութիւն հայոց, Թբիլիսի, 1909, էջ 162:

Գ. Քորայրեցին իր ժամանակի կրթված ու զիտուն մարդկանցից էր՝ նրան վերագրում են մեկ տասնյակից ավելի աշխատություններ, թեև պրոֆ. Լ. Մելիքսեթ-Բեկր իրավացիորեն կասկածում է մի քանի աշխատությունների Գ. Քորայրեցու նեղինակությունը լինելուն<sup>2</sup>:

Գավիթ Քորայրեցու սույն հիշատակարանը բաղկացած է երկու մասից. առաջին մասը վերաբերում է Գր. Աստվածարանի ճառերի մեկնության հանդամանքներին, իսկ երկրորդ մասը՝ վրաց ժողովրդի պատմության մի կարևոր եղելության՝ վրաց Գեորգի 3-րդ (1135—1184) թագավորի դեմ Օրբելիների զեկավարությամբ վրաց խոշոր ազնվականների դավադրության բավական մանրամասն նկարագրությանը՝ որը, սակայն, վերջից թերի է, ձեռագրից թերթերի կորչելու պատճառով:

Հայ պատմիչներից այս ղեպերին բավական մանրամասն անդրադարձել է Ստ. Օրբելյանը, իսկ Վարդան Արևելյին նշում է համառոտաբար՝ Գ. Քորայրեցու հիշատակարանում նկարագրված որոշ ղեպերը պարմանալի կերպով հաստատում են այդ եղելություններից մեկ դարև ավելի հետո ստորոգ նեղինակի, Ստ. Օրբելյանի վկայությունները, իսկ որոշ վկայություններ սրբազրում են վերջինիս տեղեկությունները և կամ այլ մանրամասնություններով շարադրում:

Օրբելիների կազմակերպած դավադրության ժամանակի մասին Գ. Քորայրեցին իր հիշատակարանում հետևյալն է գրում. «Արդ՝ եղև շարադութիւն այսր տասի (Գր. Աստվածարանի ճառերի մեկնության № 5602 ձեռագիրը — Վ. Հ.) մեկնութեան յամի Ուորդի և եւթան սս քսանիւ թուարերութեան հայ ազնեան բրոնիկոնիս, իսկ նորոյս շրջանի իննսնի և չորից և ի կենարարին մերոյ ծնրնդենէ հազար և հարիւր եթանասուն և ինն էին ամացն շրջագայութիւնք) իսկ Հոռովմին շրջանի չսրէք հարիւր իննսուն և ութ էին ըովանդլակլու-թիւնք ամաց: Նախքան դայս միով ամաւ խաւարեցաւ արեղակնն յապրիդիոս ամաւոջ, ի նորում կիւրակէին, յառաջնումն ժամու և նշանք յետ այսր ցուցան շփոթման» (իրաւ դավադրության — Վ. Հ.):

Այստեղ ստացվում է սխալ այն տպավորությունը, թե արևր խավարել է ժողովածուի գրությունից (հայոց 627 թվից) մեկ տարի առաջ, այն է հայոց 626 թ. (մեր թվականության 1177-ին), որին և հաջորդել է դավադրությունը նույն թվականին: Քննենք այդ հարցերը: Նախ պարզենք № 5602 ձեռագրի գրության ժամանակին վերաբերող տոմարական չորս դուղահեռները: Վերցնելով հիշատակարանի առաջին երեք տվյալը՝ ստանում ենք՝ 627 + 551 = 1178, Հովաննես Սարկավաղի՝ 94 + 1084 = 1178, մեր թվականության 1179: Այստեղ կարծեք ասկա է մեկ տարվա տարբերություն: Սրանցից որն է ճիշտ՝ հայոց 627, թե՛ մեր թվականության 1179 թվականը: Իրականում այստեղ սխալ չկա: Գ. Քորայրեցին տոմարական այս հաշվի մեջ հետևել է շարժական տոմարին, դրա համար էլ Մատենադարանի № 5602 ձեռագրի գրության հայոց 627 թվականը ընկնում է մեր թվականության 1178 թվականի փետրվարի 5-ից՝ մինչև 1179 թվականի փետրվարի չորսը:

Այսպիսով Գ. Քորայրեցին հայկական և մեր թվականության տարեթվերը համադրելիս կարող էր մեկ տարվա տարբերությամբ նշել միայն այն ղեպում, երբ Մատենադարանի վերոնշյալ ձեռագրի գրությունը ավարտվեր 1179 թ. հունվարի 1-ից հետո

<sup>2</sup> Գ. Գանձակեցի, Պատմութիւն Հայոց, էջ 162:

<sup>3</sup> «Վարդապետը հայոց հյուսիսային կողմանց», էջ 194:

<sup>4</sup> Հիշատակարանի այս մասն օգտագործել են կամ հիշատակել Գ. Հովսեփյանը (տես «Ստորակայանք կամ Պոռչյանք հայոց պատմության մեջ», մասն Ա, Վարդաշապատ, 1928, էջ 5—6, 21 և Ս. Երևմյանը («Մանկանարկրի Արժրուհիները» — անտիպ): Այս հիշատակարանը 1951 թ. հրատարակվեց Գ. Հովսեփյանի «Հիշատակարանք» ժողովածուում:

<sup>5</sup> «Պատմութիւն տանն Սրտական», Թիֆլիս, 1910, էջ 383—390:

<sup>6</sup> «Մեծին Վարդանայ Բարձրբերդեցու պատմութիւն տիեզերական», Մոսկվա, 1861, էջ 1.0—171: Վրաց ազրյուրներից 13-րդ դարի Անանունը, բավական համառոտ, նույնպես արձանագրել է այս ղեպերը (պրոֆ. Լ. Մելիքսեթ-Բեկ, Վրաց ազրյուրները Հայաստանի և հայերի մասին, հատոր Բ., Երևան, 1936, էջ 10—11): նույնը տես Brosset M., Histoire de la Georgie, St. Petersburg, 1850, 1ere partie, 11e livraison, pp. 398—399:

<sup>7</sup> Ed. Dulaurier, Recherches sur la chronologie armenienne, tome 1er, Paris 1859, p. 386:

մինչև նույն թվականի փետրվարի 4-ը<sup>1</sup>: Նշանակում է մոզովածուն գրել են հայոց 627 թ. իսկ այդ թվականը ինչպես վերևում տեսանք, շարժական տոմարի դեպքում հիմնականում ընկնում է 1178 թ. մեջ: Արդյոք այս թվականը պետք է նկատի ունենանք, երբ Քորայրեցին գրում է «Նախքան դայս միով ամառ խաւարեցաւ արեղակնն», այսինքն 1177 թ.: Կարծում ենք ոչ, որովհետև 1177 թ. (հայոց 626) արևը խավարել է ոչ թե ապրիլին, այլ մարտի 31-ին և սեպտեմբերի 23-ին<sup>2</sup>, այն էլ մասնակիորեն, և չէր դիտվել Հայաստանի սահմաններում, երկրորդ՝ Նոր կիրակին, որը սովորաբար Զատիկից մեկ շաբաթ հետո է լինում, 1177 թ. ընկնում է մայիսին (Զատիկը՝ ապրիլի 24-ին): մինչդեռ արևի լրիվ խավարումը տեղի է ունեցել 1176 թ. (հայոց 625) ապրիլի 11-ին և հենց այդ օրն էլ իրոք Նոր կիրակի է եղել: Այս հաստատում է նաև Անանուն մի ժամանակագիր. նա գրում է, որ 1176 թ. «խաւարեցաւ արեղակն ի Նոր կիրակէին ի մետասանն ապրիլի, յերկրորդ ժամու, մինչ աստեղդ երևեցան» (N° 1737, էջ 69ր): Աւրևնի Գ. Քորայրեցու իտալեր 1178 թ. ապրիլի 11-ի արևի լրիվ խավարման մասին է, որ նախորդել է դավադրութեան մեկ տարով:

Այսպիսով Գ. Քորայրեցու հաշիվներով ստանում ենք՝ 1. Մատենագարանի N° 3602 մոզովածուի գրութունը ավարտվել է մինչև 1179 թ. փետրվարի 4-ը, 2. Արևի լրիվ խավարումը տեղի է ունեցել 1176 թ. (հայոց 625) ապրիլի 11-ին և Գ. Քորայրեցին էլ նկատի է ունեցել այս թվականը: 3. Օրբելիների դավադրութունը տեղի է ունեցել արևի խավարման հաջորդ տարին, այն է 1177 թ.: Դավադրութեան ժամանակը կարելի է կոնկրետացնել, եթե նկատի ունենանք հետևյալը. Սա. Օրբելյանը դավադրութունը ևս նշում է հայոց 626 թ., բայց որովհետև տոմարական հաշիվներին մեջ նա հետևել է անշարժ տոմարին, (այդ ցույց կտանք ներքևում), այդ պատճառով էլ հայոց 626 թ. ընկնում է 1177 թ. սոստոսի 11-ից մինչև 1178 թ. սոստոսի 10-ը:

Աւրևնի, հայոց 626 թվականը 1177 թ. մեջ ընկնում է սոստոսի 11-ից մինչև զեկտեմբերի 31-ը (մոտավորապես չորս և կես ամիս): Այստեղից էլ դժվար չէ հետևեցնել, որ դավադրութունը տեղի է ունեցել այդ ժամանակ, այսինքն 1177 թ. աշնանը:

Այժմ դավադրութեան պատճառի մասին: Այս հարցում Ստ. Օրբելյանի հավաստիացումը ճիշտ չէ: Համաձայն նրա, դավադրութեան պատճառը եղել է վրաց թագավորական զանի նկատմամբ Դավիթ 3-րդի որդու, Դեմետրի (Բեմնա) ժառանգական իրավունքների

<sup>1</sup> Իսկ ինչ վերաբերում է հիշատակարանի հատվածի հոմեական 498 թվականին, ապա այստեղ գոյություն ունի 98 տարվա անճշտություն: Բնագրում ասված է. «Իսկ չոտովմին շրճանի շորէք հարիւր իննսուն և ութ էին բովանդակութիւնք ամաց», ըստ այսմ կտտանանք 1277 թ. (248—1+532+498): 1277 թվականը բացահայտ սխալ է, ուստի բնագրի 498 թվականը կառաջարկելինք սրբագրել 400. ըստ այսմ կտտանանք 1179 թ.: Թե մեր այս ենթադրությունը ճիշտ է, ցույց է տալիս հետևյալ օրինակը. Մատենագարանի N° 3497 ձեռագրում (19-րդ դարի ընդօրինակություն), պահվել է 1184 թ. մի հիշատակարան, որտեղ գտնում ենք տոմարական հետևյալ դուղահետը. «Բայց ձեռնարկութիւն մեկ յայսմ իրողութեան եղև ի թուականութեանս հայոց Ուր և շրջանին երթալոյ ի բաց ձև, որ կոչի փոքր, իսկ չոտին նե...» (էջ, 36ր. հմմտ. Ed. Dulaurier. Recherches sur la chronologie armenienne, tome Ier, Paris, 1859 pp. 191—192):

Համաձայն Դյուլորիելի (էջ 192) հոմեական ՆԵ (405) թվականը համընկնում է մեր թվականության 1184 թվականին (248—1+532+405=1184-ի), չետաբար բովանդակի ուղղությունը հրավիրում ենք այս բանաձևի վրա, որտեղ հոմեական 405 թվականը եթե համընկնում է մեր թվականության 1184-ին, ապա Գ. Քորայրեցու հիշատակարանը, որը գրվել է 1184 թ. 5 տարի առաջ, 1179 թվականին, ինչպես կարող էր հոմեական թվականի համեմատության մեջ 98 տարվա տարբերություն: Այստեղից էլ 1184 և 1179 թվականների 5 տարվա տարբերությունը պետք է համապատասխանի հոմեական 405 և 400 և ոչ թե 498, ինչպես հիշատակարանում է, թվականների տարբերությանը, այսինքն՝ 405—5=400. ուստի բնագրի 498-ը պետք է ուղղել 400:

<sup>2</sup> «Canon der Finsternisse.» von Hofrath Prof. Th. Ritter v. Oppolzer [„Denkschriften der Kaiserischen Akademie der Wissenschaften. Mathematisch—Naturwissenschaftliche Classe, Zweifundfünfzigste Band], Wien, 1887, էջ 228:

<sup>3</sup> Նույն տեղում, էջ 228:

պաշտպանութիւնը, որն իբր թե ստանձնել էին Օրբելիները<sup>1</sup>: Դավադրութեան պատճառի առջ Կերսիան վաղուց ի վեր, իրավացիորեն կասկածանքի է ենթարկվել: Իրականում այդ ապստամբութեանն ավելի խորը պատճառներ ունեն: Այդ Ֆեոդալական կենտրոնախույզ ուժերի պայթարն էր բնորոշ թագավորական ուժեղացող իշխանութեան: Այդ դավադրութեան նպատակն էր թուլացնել թագավորական իշխանութեանը: Դա մի երևույթ էր, որ հանդես եկավ 12-րդ դարի 50-ական թվականներից մինչև թափար թագուհու կառավարման առաջին տարիները, երբ Վրաստանում, այդ ժամանակ, Ֆեոդալական կենտրոնախույզ ուժերի իշխանութեան հաշվին հղորանում էր Ֆեոդալական միապետական իշխանութեանը՝ «Կարդի իշխանութեանն անկարգութեան մեջ» (Էնգելս):

Հակառակ Ստ. Օրբելյանի, Գ. Քորայրեցին այս առումով բավական պարզ է գրում. «Ձի վրան թաղաւորին երկփեղկեր և նոյնհետայն դա պ ս տ ա մ ր ու թ իւ ն խ ո կ ա ի ն մեծամեծքն Վրաց աշխարհին ի թագաւորէ անտի, պոր ի վաղուց յետէ երկն էին և դաւալ դիպող ժամ իւրեանցն հնացեալ շարախոհութեան, առնուն հրապուրանաւ ր ա ո ի ն ր ե ա ն ս ղեղրաւորողի նորին թագաւորի անուանելոյն Սարէլի...» (բնորոշում մերն է—Վ. Ն.):

Սակայն այն հանգամանքը, որ Դեմետրի և մասնակցել է դավադրութեան, չի արգարացնում Ստ. Օրբելյանի վկայութեանը, թե իրենք և վրաց խոշոր ֆեոդալներն մի մասը ապստամբել են Դեմետրի ժառանգական իրավունքները պաշտպանելու համար, բնորոշակապէս նրանք դավադրութեան կողմակերպել են իրենց ժառանգական իրավունքները պաշտպանելու համար, ձգտելով Դեմետրի իրավունքների պաշտպանութեամբ քողարկել դավադրութեան բուն պատճառը: Վերջին հաշվով խոշոր ֆեոդալները, առաջին հերթին Օրբելիները՝ Իվան Օրբելին, որի տղջկա հետ ամուսնացած էր Դեմետրի, իրենց նպատակը կարող էին իրականացնել Դեմետրի նման երիտասարդ և անփորձ թագավոր ունենալու զեպրում, երբ նրանք կկարողանային Դեմետրին խաղալիք դարձնել իրենց ձեռքում: Ստ. Օրբելյանի վերսիան միառուժեակոր է, այդ երևում է նաև նրանից, որ Օրբելիները, ինչպես հաղորդում է Մխիթար Դոշը, մասնակցել են Դեմետրի հոր՝ Դավիթ 3-րդ թագավորի թունավորման գործին<sup>2</sup>: Ասել է թե, դարձյալ պայթար թագավորական իշխանութեան զեմ: Դավադրութեան պատճառի Ստ. Օրբելյանի վերսիան իր նախնիների բաղաբական վարքագծի պաշտպանութեան անհաջող փորձ է: Դրանով նա ձգտել է դավադրութեան պատճառի պայտեմուն ունեցող այլ վկայութեանները՝ կամ տեսակետները մերժել, որոնք բնորոշում են անորոշ ձևով հիշելուց հետո Ստ. Օրբելյանն կրթափակում է. «ամենևին սուտ են և որպէս զշուն հաջնեմ»:

Սազարավ են նաև դավադրութեանը խնամքով նախապատրաստելու տվյալները, որոնք նախ և առաջ վերաբերում են դավադրութեան ծախալին: Գ. Քորայրեցին գրում է. «դապստամբութիւն խոկաին մեծամեծքն Վրաց աշխարհին»: Ստ. Օրբելյանը ևս հաստատում է ժամանակակցի այս վկայութեանը. «Եւ էին միարան ամենայն զխաւորը և աղաար Վրաց բնդ Իվանէի և ամենեքեան համազունդ զիմեալ եկեալ էին առ նա յԱղարակն...»: որոնց զորքի բնորոշումը թիվը անցնում էր 30,000-ից: Բացի սեփական ուժերից, դավադրիները, ինչպես հաղորդում է Գ. Քորայրեցին, Գեորգի 3-րդի զեմ են հանել նաև թագավորութեան սահմանակից մանր իշխաններին. «և որք ի կողմանս Շաքւոյ և Հարեթոյ և Կախէթոյ իշխեցողքն դաշմարբ րանից ապստամբեն և նորա ի թագաւորէն»:

<sup>1</sup> Ստ. Օրբելյան, էջ 380-381, 383, 390:  
<sup>2</sup> Մանրամասնութեանները տես ահագ. Ջավախաշվիլի, Վրաց ժողովրդի պատմութեան, գիրք 2-րդ, Թբիլիսի, 1918, էջ 213, ծանոթ. 2 (վրացերեն): Հմմտ. Գ. Հովսեփյան, Սաղարակյանը կամ Գոռչյանը հայոց պատմութեան մեջ, մասն Ա, էջ 5-6:  
 «Հայապատում» Բ, էջ 389:  
<sup>3</sup> Վարդան Արևելցին վկայում է (էջ 170), որ Օրբելիները մտադրութեան են ունեցել սպանել Գեորգի 3-րդ թագավորին, իսկ վրաց աղբյուրները այդ մասին ոչինչ չեն գրում (տես Լ. Մելիքսեթ-Ֆեկ, Վրաց աղբյուրները Հայաստանի և հայերի մասին, հատոր Բ, էջ 10-11):  
 Ստ. Օրբելյան, էջ 390: Նա այսպես է գրում. «Ոմանք զրարանեն զնոսա եթէ անձանց խոկալով փառս՝ կամեցան ինքեանց առնուլ զթագաւորութիւնն», (էջ 380-390):  
<sup>4</sup> Ստ. Օրբելյան, էջ 381, տես և հմմտ. Վարդան Արևելցի, էջ 170:  
 Նույն տեղում, էջ 384:

և ամբողջական յիսնամյակը և զերփոփա առնեն սահմանակից գաւառաց թագաւորին: Ավելին, Գ. Քորայրեցին վկայում է, որ այն ժամանակ, երբ զավաղիրները պաշարված էին Լոռու բերդում, Գանձակի աթարեկի մոտ ուղարկել են Լիրարիտ Օրբելուն և նրա որդիներին «ձեռնադրել ինքն զաւրու կամ ինքնան իսկ զալ բնդ նմա փախստական առնել զթագաւորն և յինքնանս զրաւել զտէրութիւնն»: Իսկ Ստ. Օրբելյանի վկայութեամբ Լիրարիտ Օրբելին Գանձակի աթարեկի 60 հազար օղնական զորքով զալիս է եզրորր օղնութեան: Հայկական ազդեցութիւնը լոռում են, բայց վրաց ազդեցութիւնը 13-րդ դարի Անանուներ հազորգում է, որ զավաղիրներն օղնութեան էին զիմել, բացի Գանձակի աթարեկից նաև Քլաթում հաստատված Շահարմեններին: Սույն փաստերից պարզվում է, թե Օրբելիների զավաղութեանն եղել է խնամքով կազմակերպված և մեծ փառանք է ներկայացրել:

Այս զեպրերի աստիճանով Գ. Քորայրեցին տալիս է մի կարևոր ուղղում: Վրաց պատմագիրը ինչպես և Ստ. Օրբելյանը՝ հազորգում են, որ Լիրարիտ Օրբելին զնաց Գանձակի աթարեկ Էլզկուզի մոտ, նրանից օղնութեան խնամքով, մինչդեռ ըստ Գ. Քորայրեցու, Լիրարիտը զնացել է զառ զաւրովարն Պարսից Քղիլ...»: Այստեղ իրավացի է Գ. Քորայրեցին, որովհետև ինչպես հայտնի է, 1177 թ. զավաղութեան ժամանակ Գանձակի աթարեկ Շահարմենը Էլզկուզը մահացած էր: Նա մեռել էր 1172 թ. և նրան հաջորդել էր ազգայ որդին Մուհամմեդ Փեհլևան Ջեհանը (իշխել է 1172—1186 թթ.): Իսկ բնագրում հիշված «Քղիլ»-ը Էլզկուզի կրտսեր որդի Ղզլ Արսլան Օսմանն է, որը 1177 թ. զավաղութեան ժամանակ ոչ թե աթարեկ էր, այլ զորքերի հրամանատար, այդ պատճառով էլ Գ. Քորայրեցին նրան կոչում է զաւրովարն Պարսից:

Ղզլ Արսլան Օսմանն որպես աթարեկ հաջորդեց եզրորը՝ Մուհամեդ Փեհլևան Ջեհանին, 1186 թ. և սպանվեց 1191 թ. սուլթանի տիրոջս ընդունելուց հետո:

Մյուս կարևոր հարցը վերաբերում է այն բանին, թե զավաղիրների հիմնական ուժերը երբ են եկել Լոռու բերդը պատսպարվելու և վրաց թագավոր Գեորգ 3-րդը երբ է զրազել այն: Այս կարևոր հարցի մասին Գ. Քորայրեցին իր հիշատակարանում, զժրախտաբար ոչինչ չի հայտնում, մինչդեռ Ստ. Օրբելյանը որոշակիորեն զրում է. «Եւ զի յերկրտասանն հրոտից ամսոյ եմուտ Իվանէ ի Լոռէ և եկաց մինչև ը հինգն մեհեկի»: Մենք չգիտենք, թե Ստ. Օրբելյանի այդ տեղեկութեանը ինչքան հավաստի է, սակայն, պարզենք տոմարական այս հաշիվը: Հ. Սարկավազի անշարժ տոմարի<sup>10</sup> համաձայն հայոց 626 թ. սկսվում է 1177 թ. օգոստոսի 11-ից և տևում մինչև 1178 թ. օգոստոսի 10-ը: Նշանակում է հայոց 626 թ. նախադիրջին, հրոտից ամսին ընկնում է 1178 թ. հուլիսի 7-ից մինչև օգոստոսի 5-ը, այստեղից էլ հրոտից ամսի 13-ը համապատասխանում է 1178 թ. հուլիսի 19-ին: Իսկ հայոց 626 թվականի մեհեկան ամիսը (հայկական 7-րդ ամիսը) անցել էր երբ Իվանի Օրբելին յուրայիններով մտավ Լոռու բերդը. հետևապես բնագրում խոսքը վերաբերում է հաջորդ (հայոց 627, մեր թվականության 1179) տարվա մեհեկան ամսուն, որը ընկնում է 1179 թ. փետրվարի 7-ից մինչև մարտի 8-ը, այստեղից էլ մեհեկան ամսի 5-ը համապատասխանում է 1179 թ. փետրվարի 11-ին:

1 Հմմտ. Ստ. Օրբելյան, էջ 385:  
 2 Նույն տեղում, էջ 390:  
 3 Լ. Մելիքսեթ-Բեկ, Վրաց ազդեցութիւնը Հայաստանի և հայերի մասին, հատ. Բ, էջ 10—11:  
 4 Նույն տեղում, էջ 11:  
 5 Ստ. Օրբելյան, էջ 385, 390. Վարդան Արեւելցին ավելի ճիշտ է զրում, թե «չոգա ի Պարսից կողմն», էջ 170:  
 6 С. Лэн-пуль, Мусульманские династии, СПб., 1899, էջ 144:  
 7 Նույն տեղում, էջ 144:  
 8 Նույն տեղում, էջ 144, ծանոթութ. 1:  
 9 Ստ. Օրբելյան, էջ 386:  
 10 Նկատի ունենալով Ստ. Օրբելյանի «և էր կատարումս սրբոյ Ստեփաննոսի ի թուականութեանն հայոց 184, ի հրոտից ի 15 և յուլիսի 21...» (էջ 143) վկայութեանը, որի մեջ հայոց 184 թ. հրոտից 15-ն անշարժ տոմարի զեպրում միայն կհամապատասխանի մեր թվականության 736 թ. հուլիսի 21-ին, եզրակացնում ենք, որ տոմարական մնացած հաշիվներում էլ Ստ. Օրբելյանն առաջնորդվել է անշարժ տոմարի հաշվով: Այդ պատճառով էլ մենք մեր հաշվումները համար հիմք ընդունեցինք անշարժ տոմարը:

Այսպիսով, Քվանե Օրբելին զավազիրների մի մասի հետ, ապաստան գանելու նպատակով, Լոռու բերդը մտել է 1178 թ. հուլիսի 19-ին և Գեորգի 3-րդ թագավորին անձնատուր եղել 1179 թ. փետրվարի 11-ին, այնտեղ մնալով մոտավորապես 7 ամիս:

Գ. Քորայրեցու հիշատակարանն հնարավորություն է տալիս ճշտելու զավազիրների մի մասի, որոնք Լիպարիտ Օրբելու հրամանատարությամբ ջանում էին ամրանալ Կայան բերդում, և Գեորգի 3-րդի հավատարիմներից մեկի՝ Թրիլիսիի ամիրապետ Քրդի զորքերի ճակատամարտի վայրը: Այդ մասին Գ. Քորայրեցին գրում է. «Ու եզրայր նորին (Իվանե Օրբելյանի—Վ. Ն.) Լիպարիտ իւրովքն ժողովովք և յարտաքուստ միարանեցելովքն սանու զսրդի թագաւորին զԴէմեորէ և զիմէ յանմատոյցն Կայան, որոց զհետմտեալ հրամանաւ թագաւորին բարեպաշտ ամիրապետն Տիխիաց, Քուրդ անուանեալ, հասանէ ի կիրճս ճանապարհի նոցա, յիւր սեփնականն զաւստն Մանկանարերզն կոչեցեալ, հարկանէ զէմ յանդիման նոցա զաւագափոցն պատերազմի և ի փախուստ բնդ կրուկն զարձուցանէ»: Այս հատվածից երևում է, որ ճակատամարտը տեղի է ունեցել նախքան Լիպարիտ Օրբելու Կայան բերդ հասնելը: Մանկանարերզի շրջանում, որից հետո Լիպարիտ Օրբելին և հեծյալ զորքի մի մասը փրկվում են ջախջախումից և զավազիրների մյուս խմբի հետ ամրանում Լոռու բերդում:

Ինչպես անսնում ենք Օրբելիների ղեկավարած 1177—1179 թթ. զավազրության կապակցությամբ վերևում առաջագրված մի շարք հարցերի լուսարանման համար մեծ կարևորութուն է ստանում Գ. Քորայրեցու սույն հիշատակարանը, այդ պատճառով էլ ստորև հրատարակում ենք նշելով առդատակ բնագրին անհրաժեշտ մի քանի ծանոթագրութուններ:

\* \* \*

268ր Զարացուցանողին տկարաց Քրիստոսի Լևոտուծոյ յուսոյն մերոյ փաստ վեր սուաքեսցի զոհացողական ձայնիւ յաւարաման զծիս, ի Դաւթայ աղերսոցէ, որ աշխատեցայս ի յարմարումն ստորադժութեանս, յոր երկիրդիւ մերձելով ի սկսումն, զուցէ ոչ բաւեցից տոկալ հասանել յայս գիծ, ստեղան ժամանեցոյց, որ տայն իմաստս և 269ա զարութիւն, որ և զմեռեալս կենդանործէ, և զայ յ լսն հրաշակերտս ի պատիւ և ի փաստ մեծագործութեան իւրոյ, որում բնդ մերումս զոհացողական ձայնի համանդամայն յամենեցունց, յերկնաւորաց և յերկրաւորաց փաստս զսո առաքեսցի, հաւր ամենակալի, և որդւոյ նորա միածնի և փասակցի, և ամենասուրբ հոգւոյն արարչակցի և իշխանակցի, յանսպառ յաւիտեանս յաւիտենից, ամէն:

Շորնախոնջ ջանիւ ի յոլովից բննեալ իմաստնոց զգիրսս զայսոսիկ զեղձամար սրտի ի զիւսս ճշմարտին մտաց և ի վերջէ հանդիպեալ իմ միւսոյ իմաստնացելոյ ի նոյն կրթութիւն, որ ի մէնջ իսկ սորին բղձիւ բնթացեալ էր մերձ ի սահմանս Լևորւոց և Կիւղիկեցւոց, Վարդան՝ մակձայնեցելոյ, որոյ յոլով ժամանակս ի սակս բննուջեան զեղերեալ առ զբան մէծի իմաստնոյ տեառն ներսէսի Հայոց վերադիտողի, յորմէ մինչ եհասն առ մեզ, վերստին տեղեկացեալ իմ առ ի հասատտութիւն և ի լրումն առաջնոցն կրթութեանց, վստահ եղեալ հովանութեամբ նորին և այլոցս իմաստնոց, ձեռն ի զործ արկի ի մասնաւորս տարացոյց, մեկնութեան գրոցս երկրցունց մեծին ստիեստոսի Գրիգորի Լևոտուածարանի, յ այնմիկ, որոյ սկիզբն ի ծնունդն Քրիստոսի, խորին իմաստիւք ասացեալ և ոչ յայտնաւորինականսն տեառն և միւսոյն և և Լեո որս բանիւն են պաճուճեալք, իւրաւարանութեամբ բնդգիմութիւն Սենտիանոսացն և այլոցն շար ազանդից, զորս բմբերանելով հաստատէ զհաստոցն բան, մեծաւ աշխատութեամբ յաստուածարանականս տարրութիւնս, բնդ որում և զկարգաւորութիւն արարածոցս ցուցանէ ի սահմանս իւրաբանչիւր, իսկ զմարդ միայն յարտասահման բնթացոյ բնդ որում և զխաղաղութեանն բարիս աւարտ ամենայնի ցուցանէ: Արդ որ ՚ի մէնջս աշխատութիւն, տարացոյց միայն է իմաստնոց, բանդի և ոչ մարթ իսկ և վայելուչ էր աւելի բան զայս լինել, զի մի առանց աշխատութեան որ վստահասցի, անուամբ միայն իմաստուն ցուցանիլ սովաւ, այլ առ բնդգէմ զիցէ զբնագրեալսն յիմաստնանալն, և ծանիցէ հանդէպ նորին զմեկնութիւնն: Զի թէպէտ և տարորոշեալ է մեր զմեկնութիւնն ի բնարանէ անտի, սակայն ի բազում տեղիս վերաշրջութիւն ոլորակ բանիցն ի մեկնութեան համարի եղեալ է: Ս: է զի սկիզբն ճատիցն պատճառաց բովանդակ զարութիւն ճատեցիլոցն:

269բ Վարդան Հագրատեցի, Դավիթ Քորայրեցու ուսուցիչը:

270ա ի սուղ բանսն ներսփակեալ է ॥ և երկու կէտիւրն որ ի միջօցի տանցն, իմալ  
 դտեբորոշումն բնարանին և մեկնութեան, և յայսպէսն աւկտութեան անմեղազրու-  
 թիւն մերոյս յանդգնութեան հայցեմ, և աղաւթս ձիգս ինձ աշխատողիս և յորոց  
 վարմեցայն: Զի թերեւ ողորմութիւն դոցուր յառատաձիրն պարզեողէ գթողու-  
 թիւն սխալանաց և զհանդիպումն մեծին իմատուութեան սեղանոյ, զոր այժմ հայն-  
 լեաւ և աւրինակաւ տեսանեմք, իսկ յայնժամ գրովանդակն՝ բառ Առարկոյ: Որում  
 հաղորդիցիր և զուր, որք զեզերիք յայտոսիկ երկս և ի միասին վայելեցուր յոր  
 կայն և պահի ամենայն յուսով ակն ունողաց յանճասելիսն բարիս, ի Քրիստոս Յի-  
 սուս ի տէր մեր ի ճշմարիտ ապրեցելոցն կեանս և խնդութիւն, որ է արհնեալ  
 բնդ հաւր և բնդ ամենասուրբ հոգոյն, յախտեանս յախտենից, ամէն:

Արդ՝ եղև շարագծութիւն այսր տասի մեկնութեան յամի Ո-որդի և եւթան  
 առ քսանիւ թուարեթութեան հայ աղնեան բրտնիկոնիս, իսկ նորոյս շրջանի իննս-  
 նի և չորից, և ի կենարարին մերոյ ծնրնդենէ հաղար և հարիւր և թանասուն և ինն  
 էին ամացն շրջագայութիւնք, իսկ Հոսովմին շրջանի չորէք հարիւր իննսուն և ութ  
 էին բովանդակութիւնք ամաց:

270բ ॥ Նախքան զայս միով ամալ խաւարեցաւ արեգակնն յասրիդիոս ամուռջ, ի նո-  
 բում կիւրակէին, յառաջնումն ժամու և նշանք յետ այսր ցուցան շփոթման: Զի  
 վրան թագաւորին երկիկեղևեր և նոյնճեալայն զապտամբութիւն խոկաին մեծա-  
 մեծքն Վրաց աշխարհին ի թագաւորէ անտի, զոր ի վագուց յետէ երկնէին, և գտեալ  
 դիպող ժամ իւրեանցն հնացեալ շարախոհութեան, առնուն հրապուրանաւր առ  
 ինքեանս զեզարարողի նորին թագաւորի անուանեալին Ուրբէյր, Բանէ սպասա-  
 յար և Լիպարիտ եզրայր իւր որդւովր և աղղականաւր իւրեանց և բերեալ յԱզա-  
 րակ՝ զգեակ, թագաւորէցուցանէն, որպէս թէ ոչ որ ձեռնհասիցէ զեղևել գնողայն  
 զործ, որպէս խոհականնար ի Տոփել ի հնումն Յարեազովմայն իրս յուսալով, յա-  
 մուր զգեակս իւրեանց ամբողջաց և յնտանեաց և յայլոց խորհրդացն յոյովութիւն,  
 զորոց միտս յինքեանս յանկուցանեն, նախ իւրեանցան զաւատականաւր և ամրա-  
 կանաւր զանաօրիկն կայան, և զկայծոն՝ հանդեպ նմին պայմանեն ի բնակչաց անտի  
 ձեռնտու սոցա լինին և որք ի կողմանս Շարսոյ և Հերեթոյ և Կախէթոյ ॥ իշխե-

271ա ոսդրն պաշամբք բանից ապտամբեն և նորա ի թագաւորէն և ամբանան յիւրեանց-  
 արն և զերփումն առնեն սահմանակից զաւատաց թագաւորին: Եւ սորա յայսմ կող-  
 մանէ նոր թագաւորան առնուն զթագաւորանիստ զեաւդ, որ այսն՝ Պարապով,  
 և առարեն յամենայն խորհրդականսն անդր զուժարել, զի փախտեալկանիցեն զթա-  
 գաւորն կամ բնդ բումր ամիցեն: Իսկ նա վասն զի տակաւին բնդ ձեռամբ ունէր  
 զբաղարս և զամբոցս սեփնականս թագաւորութեան իւրոյ և զգանձարանսն արքու-  
 նիս, բնթանայ ի մեծ շահաստանն Տիփիս, և ի խորհուրդ միարանութեան կոչէ  
 զմտերիմս թագաւորութեան իւրոյ և նոցին խորհրդակցութեամբ խոստանայ և բաշ-  
 խէ գանձս սոկւոյ և արծաթոյ և հանդերձս պատուականս բոտ արժանի խառնիճա-  
 դանջ՝ ճետեակ սպասադինացն Գուռախթոյ և ոչք ի սահմանս Քարթլ զաւատի, զորս  
 ի մի վայր զուժարեալ զայ հասանէ ի հայրենի զաւատն սպարապետին և յաւարի  
 խապացուցեալ հրձիգ առնէ զապարանս նոցա և ինքն խաղա հասանէ ի սահմանս  
 ապտամբացն, զոր ի բացու ॥ ստ տեսեալ ապտամբացն զանդիտեալ ի փախուստ

271բ պատնաին, ամբանայ ուր և զիպեսցիւ իսկ սպարապետն Բեանէ որդւովրն և կնան  
 և ամենայն աղխիւն զայ մտանէ յանասիկն Հաւուէ, և եզրայր նորին Լիպարիտ իւ-  
 բովրն ժողովովր և յարտաբուստ միարանեցելովքն առնու զորդի թագաւորին  
 զԴեմէտրէ և զիմէ յանմատոյցն կայան, որոց զճետմտեալ հրամանաւ թագաւորին

1 Պատմական Ազարակը գտնվում է այժմյան Ատեփանափանի շրջանում: Հիմա էլ  
 կոչվում է նույն անունով:

2 Կայան բերդը գտնվում է պատմական Գուգարբի Զորոփոր գավառի Կայենո ձորի  
 մեջ, Հազրատի և Սանահինի միջև, Հազրատից մոտավորապես 4 կիլոմետր արևմուտք,  
 մի անասիկ բարձրայն բլրի վրա, որի ստորոտից հոսում են Դերեա և Ժիփանք գետերը:

3 Իմա Շնոգ, գյուղ, այժմյան Ալավերդու շրջանում:

4 Բուսպրի «այսն» բառի իմաստն անհասկանալի է, ուստի ենթադրարար ուղղում  
 ենք «ասենք»: Եթե ճիշտ է այս, նշանակում է Պարապովր թագավորանիստ գյուղի անունն  
 է, որի տեղադրությունը մեզ անհայտ է:

րարեպաշտ ամիրապետն Տիխեաց, Գուրդն անուանելայ, հասանէ ի կիրձս անապարհի նոցա, յիւր սեփականն գաւսոն Մահկարերդն կոչեցեալ, հարկանէ դէմ յանդիման նոցա զաւղափողն պատերազմի, և ի փախուստ ընդ կրուկն զարձուցանէ, որոց զհետմտեալ առնու զկահ և զկարասի բանակին, և ձիապուր միայն գերժեալք շասանեն և նոքա ի զգեակն Հաւոէ, և ամենայն ազգ ապստամբացն ի մի վայր դուժարին: Ջայս տեսեալ ամր[ակ]անացն Կայանուոյ գան ի հնազանդութիւն թագաւորին, և սահմանակիցքն ամենայն, իսկ թագաւորն զհնդութիւն ի ձեռն առեալ բազում անգամ պատգամս յգեալ, աղաչէ ի խաղաղութիւն և զնդդիմակն լսէ պատասխանի, որպէս թէ չիցէ հնար տեսանել զնա ի կեանս, այլ միայն թէ զկէս թաղաւորութեանն ի նոսա թողցէ, զի Պարապով և ի միւսմէ ևս կիսոյն հանցեն, զո ոչ յանձն առնու թաղաւորն, թէպէտ և կասկածէր ի դաւրացն երկպառակութենէ, զմահ ի ձեռն առնու, և ժողովէ զեսպանաւ առ ինքն յամենայն կողմանց զկասկածուորս և զանկասկածս և նստի ի վերայ ամուր զղեկին Աղարակոյ, երկուց ամսոց և կիսոյ ժամանակ: Եվ խուճապէ մենքանայիւր խարխարեալ զպարիսպսն և զապարանսն որ ի ներքս, և նկեալ որք ի ներքսն կաին, արք անուանիք ի պատերազմի, ի մահանոտութենէ զիականցն մարդոյ և անասնոյ, և ի ծարաւոյ, զի և զջրոյն ևս արղելին ճանապարհ և ակամա իջանեն առ նոսա, և տան զղղեակն: Յետ որոյ յոլովս զուժարէ զաւրս թագաւորն, և զայ նստի ի վերայ ապստամբանոցին Հաւոէոյն, և սիրոյ միարանութեան պատգամաւորս յղէ ի ներքս տալ ցնա զեղբարորդի իւր և ինքեանց յանոգութեան մնալ: Ջայս առնէ բազում անգամ և ոչ հաւանին, զի նախքան զգալ թագաւորին առ[աբեալ] ըսպարապետին, զեղբայր իւր Լիպարիտ երիւք որդւովք և զիւրն ևս կրտսեր՝ որդի առ գաւրապարն Պարսից Խղիլ, ձեռնտու լինել զաւրու, կամ ինքեան իսկ զալ ընդ նմա փախստական առնել զթագաւորն, և յինքեանս զրաւել զտէրութիւնն, որ և զուժարէ ընդ նմա բստ խնդրոյն գաւրս բազումս, որք մերձ եղեալ ի սահմանս թագաւորին. մինչ ականատես բանակին լինել, գանգիտեալ ի բաղմութենէն զաղտագողի ընդ կրուկն զառնաին: Իսկ գաւրք թաղաւորին ասպատակ արձակեալ ի վերա Ջորագավառի ամրականացն, առնուին զամրոցս բազումս բռնութեամբ և զինչսն յաւարի տանէին մինչև ակամայ ամենեքեան զաին ի հնազանդութիւն, ամրոցաւք և զղեկաւք, և յորժամ յամենայն կողմանց սպառեաց յոյս աւղնականութեան, զի և ազգայինք ևս ուրացեալ զնոսա ի հնազանդութիւն զիմեցին թագաւորին, որ ասէր գապաւինութիւն յԱստուած ունել և յաղաթս սրբոց, ապա և ինքեանք իսկ նկեալ և անհնարեալ, երզման միջնորդութեամբ արտաքս ելանէն և զան սևազղեստեալք առ ոտս թագաւորին, վասն զի նախ եղբարորդի թագաւորին զաղտագողի էջ վանդակաւ ընդ պարիսպսն և եկն սս թագաւորն...:

1 Մահկանարեղի տեղադրման հարցով զբաղվել է ընկ. Ս. Երեմյանը, վերոհիշյալ անտիպ աշխատութեան մեջ (էջ 21—22): Նա հիմք ընդունելով Մատենադարանի № 5254 ձեռագրի հիշատակարանի վկայութիւնը (էջ 54 բ), կարծում է, որ Խնձորակուտ ձորի ձախ կողմում գտնվում է Դեղձնուտ վանքը, իսկ աջ կողմում՝ Բերդաբար ամրոցի ավերակները (Բարխուղարյանց, Արցախ, Բարու, 1893, էջ 395): Ընկ. Ս. Երեմյանը Բերդաբարը նույնացնում է Մահկանարեղի հետ:

2 Ստ. Օրբելյանի համաձայն (էջ 385) Կեորդի 3-րդն Ագարակը պաշարում է ընդամենը 25 օր և այնուհետև զրավում այն:

3 Տես և հմմտ. Ստ. Օրբելյան, էջ 386:

4 Սյս բանակցութիւնների մասին տես և հմմտ. Ստ. Օրբելյան, էջ 386—388:

5 Տես և հմմտ. Ստ. Օրբելյան, էջ 385, Լ. Մելիքսեթ-Բեկ, Վրաց աղբյուրները Հայաստանի և հայերի մասին, հատ. 1, էջ 10—11:

6 Հմմտ. Ստ. Օրբելյան, էջ 388, Լ. Մելիքսեթ-Բեկ, Վրաց աղբյուրները Հայաստանի և հայերի մասին, հատ. 1, էջ 10—11: Բնագիրն այստեղ ընդհատվում է:

